

# UGOVOR

Br: 0602-1440-5/18

## o nabavci motokultivatora freze

### UGOVORNE STRANE

**UGOVORNI ORGAN:** KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)  
ID broj: 4200119040004; Porezni broj PDV: 200119040004;

**DOBAVLJAČ:** ITC d.o.o. Zenica, Zmaja od bosne bb, kojeg zastupa direktor Nesib Mujezinović (u daljem tekstu: Dobavljač)  
ID broj: 4218146790003; Porezni broj PDV: 218146790003.

### UVODNE ODREDBE

#### Član 1.

Ugovorne strane sklapaju ovaj Ugovor na osnovu provedenog Direktnog sporazuma za javnu nabavku roba - Nabavka motokultivatora freze, prihvaćene Ponude Dobavljača broj 0602-1440-3/18 od 17.04.2018. godine i Odluke o izboru najpovoljnijeg dobavljača broj 0602-1440-4/18 od 17.04.2018. godine.

### PREDMET UGOVORA

#### Član 2.

Predmet ovog Ugovora je nabavka i isporuka motokultivatora freze.  
Ugovorni organ i Dobavljač su saglasni, da Dobavljač u ime i za račun Ugovornog organa izvrši isporuku motokultivatora freze iz člana (1.), ovog ugovora a prema sadržaju obrasca za cijenu ponude sa kojom je Dobavljač učestvovao u provedenom direktnom postupku i u skladu sa narednim odredbama ovog ugovora.

### UGOVORENA CIJENA

#### Član 3.

Ugovorena cijena za nabavku i isporuku motokultivatora freze a iz člana 2.ovog Ugovora iznosi:

Cijena robe koja je predmet ovog Ugovora bez PDV-a iznosi	5.897,81 KM
PDV na ponuđenu cijenu robe iznosi	1.002,63 KM
Cijena robe koja je predmet ovog Ugovora sa PDV-om iznosi	6.900,44 KM

Jedinične cijene date u ponudi ostaju nepromjenjive za vrijeme trajanja ugovora.

### PLAĆANJE

#### Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti po predračunu, na transakcijski račun naznačen na predračunu.



## ROK REALIZACIJE

### Član 5.

Dobavljač se obavezuje da će isporuku robe definisane Članom 2. ovog Ugovora izvršiti u roku do 5 (pet) dana od dana izvršene uplate po predračunu odnosno obostranog potpisivanja ugovora.

## MJESTO ISPORUKE

### Član 6.

Obaveza Dobavljača je da motokultivator freze iz člana 2 ovog Ugovora isporuči u Sarajevo, ul. Vlakovo bb ( KJKP „POKOP“ d.o.o. Sarajevo – groblje „Vlakovo“) prema specifikaciji iz člana 9. Ovog Ugovora.

Cijena isporuke je sadržana u cijenu iz člana 2 ovog Ugovora.

Isporuka motokultivatora freze će se izvršiti između predstavnika Ugovornog organa i Dobavljača koji će sačiniti i potpisati Zapisnik o njegovoj primopredaji u kome će se konstatovati i navesti sve stavke prema kojima isporučena motokultivator freza odgovara karakteristikama iz tehničke specifikacije iz obrasca za cijenu ponude. U slučaju da mašina ne ispunjava sve karakteristike iz Tehničke specifikacije neće doći do primopredaje i ponuđač po isteku roka za isporuku dolazi u docnju sa izvršenjem ugovora na kojeg će se primjeniti sva prava i obaveze utvrđene ovim ugovorom.

## UGOVORNA KAZNA

### Član 7.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu 1 ‰ (promila) od motokultivatora freze za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

## GARANCIJE

### Član 8.

Dobavljač garantuje da će motokultivator freze biti tvornički nov, neupotrebljen, originalan i da će funkcionisati saglasno deklarisanim performansama.

Garancija za isporučenu mašinu je 1 (jedna) godina.

U toku garantnog roka iz stava 2 ovog člana, Dobavljač se obavezuje da će u slučaju kvara isporučene mašine otkloniti kvar u roku od tri dana od poziva Ugovornog organa.

Dobavljač je obavezan dostaviti garanciju za motokultivator freze i detaljne podatke o načinu i uvjetima servisiranja mašine u toku garantnog roka.



## SPECIFIKACIJA

### Član 9.

Sastavni dio ovog Ugovora je specifikacija za mašinu sa dodatnom opremom, sa iskazanim količinama, jediničnom cijenom, iznosima PDV-a i ukupnom cijenom, koje je Dobavljač priložio u svojoj ponudi broj:0602-1440-3/18 od 17.04.2018. godine za učešće putem direktnog postupka.

## RASKID UGOVORA

### Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
  - ako Dobavljač ne isporuči mašinu u roku datog u Ponudi;
  - ako poslije djelovanja više sile nije moguće nastaviti realizaciju Ugovora;
  - Ugovor može biti raskinut izjavom Ugovornog organa ili Dobavljača u pisanoj formi.
- Izjava mora sadržavati razlog raskida Ugovora.

## RJEŠAVANJE SPOROVA

### Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

## ZAVRŠNE ODREDBE

### Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

### Član 13.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana.

### Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

#### UGOVORNI ORGAN

KJKP "POKOP" d.o.o. Sarajevo

Direktor, Goran Cerić

Broj, 0602-1440-5/18

Sarajevo, 17.04.2018. god.

#### DOBAVLJAČ

"ITC" d.o.o. Zenica

Direktor, Nesib Mujezinović

Broj, 39A-18/P

Sarajevo, 17.04.2018 . god.